

DNSR HALAO FORMASAUN BA MOTORISTA SIRA NE'EBE LORI KARETA ESTADU

Dili, Iha loron Tersa feira ne'e, 19 fulan Feveiru 2018, Diresaun Nasional Seguransa Rodoviaria (DNSR), hala'o formasaun ba kondutores hamutuk ema nain 364 sira ne'ebe lori kareta estadu nian, ho objetivu atu hatene klean konaba manutensaun preventivas, regras utilizasaun kareta estadu, mekaniku baziku nomos violasaun hasoru kódigu estrada nian no legislasaun komplementár sira. Formasaun ida ne'e rasik, organiza husi, Diresaun Jeral Finansas Estadu liu husi Diresaun Nasional



Jestaun Fornesementu Patrimoni Estadu. Iha abertura, Diretor Geral Servisu Korporativu Sr. Martinho Lopes husu ba formandu sira atu uza oportunidade ida ne'e ho diak durante semana ida nia laran. "Ohin ita bot sira mai hamutuk iha ne'e, atu haklean ita bot sira nia kunesmentu wainhira uza kareta estadu nian. Iha ne'e, formador sira sei fo bukae ba ita bot sira atu halo tuir. Tanba kuaze motorista barak maka ladun iha kunesmentu baziku wainhira lori kareta estadu nian. Iha ne'e, Ministeriu Finansas esforsu nafatin atu oinsa bele melhora depeza estadu nian liu husi treinamentu hirak hanesan ne'e. Treinamentu ida ne'e, rasik sei halao durante loron nen nia laran. Ne'e duni husu ba ita bot sira, atu rona informasaun no materia hirak ne'e hodi halo tuir no implementa ho lolos. Entertantu, Diretora Nasional Patrimoni Estadu, Sra. Timotea P. Marques mos hatete katak, "Progama ida ne'e ami halo hodi hare kona ba motorista sira husi linha ministeriu sira, nune'e oinsa atu indika motorista sira mai tuir formasaun iha ne'e, tanba ami nia alvu maka kondutores sira. Iha ne'e, ami sei fo konesementu baziku ba sira konaba regras autorizasaun motorizadas nomos liu-liu ba iha manutensaun ba viatura estadu kada loron. Entaun sira mos bele kontribui ba despezas manutensaun nian neebe sempre boot. Tan nee mak ami mos fo atensaun liu ba kondotor sira no mos ba logistika sira hodi nune sira iha konesementu diak halo manutesaun ba kareta estadu". Partisipa iha formasaun ne'e, Diretores Nacionais Lojistika sira, Diretor Nasional DNSR, Superintendente Asistente Polísia Ismael da Costa Babo, Xefi Departamentu Prevensaun Seguransa Rodoviaria Sr. Antonio Viegas, Xefe Departamentu Kontra Ordenasaun hamutuk ho Xefi Departamentu Dr. Alipio Vieira ne'ebe sei sai mos formador ba formandu sira durante loron nen nia laran. [#AX](#)